



COMUNU DE CERÀXIUS
Tzitadi Metropolitana de Casteddu

Deliberatzioni de su Cunsillu Comunali
Nùmeru 69 de su 26/11/2020

Ogetu: Motzioni a firma de is Cunsilleris Onano e atrus chi tenit cumentis ogetu P.E.B.A. - Pianu de Eliminatzioni de is Barreras Architetonicas

còpia

S'annu 2020 in sa dii 26 de su mesi de Donniasanti tzerriau po is 18.30 in s'apostu de is acorradas, a pustis de avisus scritus, entregaus in is trèminis e in is maneras prevìdias de su Regulamentu Vigenti de su Cunsillu Comunali, s'est acorrau a is oras 19.30 su Cunsillu Comunali in setziada Ordinària.

Presentis:

Nòmini e Sangunau	Cualifica	Presenti	Nòmini e Sangunau	Cualifica	Presenti
CONCU PIER LUIGI	Sindigu	EJA	OLLA FRANCESCA	Cunsillera	AG
AMBU PIERPAOLO	Cunsilleri	EJA	ONANO NICOLA	Cunsilleri	EJA
ARGIOLAS CLAUDIO	Cunsilleri	EJA	PALMIERI GIULIANO	Cunsilleri	EJA
ARGIOLAS MARIANO	Cunsilleri	EJA	PASCHINA RICCARDO	Cunsilleri	EJA
COLUMBU ANDREA	Cunsilleri	NO	PIRAS LUIGI	Cunsilleri	NO
CONTU MARIA CHIARA	Cunsillera	EJA	PUTZU GIANLUCA	Cunsilleri	EJA
DEIANA SIMONE MARCO	Cunsilleri	EJA	RAGATZU RITA	Cunsillera	EJA
LAI MARCO	Cunsilleri	EJA	PUDDU VALERIA	Cunsillera	AG
LILLIU FRANCESCO	Cunsilleri	AG	SCHIRRU PAOLO NICOLA	Cunsilleri	NO
MAMELI MARIANNA	Cunsillera	EJA	TUVERI MARIO	Cunsilleri	EJA
MELIS GIULIO	Cunsilleri	EJA	VARGIU VANESSA GRECA RITA	Cunsillera	EJA
MELONI LUIGI	Cunsilleri	EJA	ZAHAR OMAR	Cunsilleri	AG
NOLI CHRISTIAN	Cunsilleri	AG			

Totali Presentis 18

Assentis

3

Totali Assentis Giustificaus 4

Assistit su Segretàriu Generali dot.ssa SESTA CARLA

Arreconnota bàlida sa setziada, poia ddoi est su nùmeru legali de is interbènnius, s'Ing. PASCHINA RICCARDO, pigat sa presidèntzia, decrarat oberta sa setziada e tzerriat cumentis scruculladoris is sinnoris:

PALMIERI GIULIANO

VARGIU VANESSA GRECA RITA

PUTZU GIANLUCA

SU PRESIDENTI DE SU CUNSILLU COMUNALI

Ing. Riccardo Paschina, in sa sighidura de sa setziada ponit asuta de arrexonu su de dexi puntu a s'òrdini de sa dii, chi est sa Motzioni firmada de is Cunsilleris Onano, Zaher, Olla, Lilliu, Putzu e Tuveri, chi tenit cumentis ogetu "P.E.B.A. - Pianu de Eliminatzioni de is Barreras Architetónicas"

Sprigat sa motzioni su Cunsilleri Onano.

Interbenit su Cunsilleri Zaher po narai chi, poita at pediu giai in su passau de is bancus de su Cunsillu Comunali de aconciai custa chistioni e totu de tirai totus is barreras architetónicas, at torrau a presentai a is cullegas custa motzioni po pediri de aconciai custu strobù.

Interbenit su Sindigu arregordendi chi custa Amministratzioni at fatu giai medas cosas in custos annus e chi arricit cun prexeri custa motzioni. Intzaras, impari cun sa Giunta e totus is Cunsilleris, at a donai mandu a is Uffizius de afillai unu incàrrigu po sa apariciadura de custu Pianu, de manera de podi castiai sa situatzioni e podi distinaì dònna annu unu tanti de su balanzu, in manera programada, po interbenni in su territòriu e straviai po intreu e po sempri is barreras architetónicas.

Su Cunsilleri Zaher decrarat chi est prexau chi bèngiat arreconnotu s'apretu de aconciai custu strobù.

Su Cunsilleri Onano torrat gràtzias a su Sindigu e si decrarat cuntentau po sa decraratzioni de agradessi beni sa motzioni chistionada.

Sigumenti no ddoi funt pediduras de interbènnidas, su Presidenti ligit sa motzioni e dda ponit asuta de votu, averiguendi, cun s'agiudu de is scruculladoris, custu arresultau:

Presentis: dexotu

Votus favoràbilis: dexotu;

Votus arrevèscius: nudda;

Astènnius: nemus.

Sa motzioni est aprovada a sa unanimidadi.

Po cussu chi no ddoi est in custa delibera, si fait re-imbiu a su verbali intreu de setziada.

SU CUNSILLU COMUNALI

Bia sa motzioni a firma de is Cunsilleris Onano, Zaher, Olla, Lilliu, Putzu e Tuveri, chi tenit cumentis ogetu "P.E.B.A. - Pianu de Eliminatzioni de is Barreras Architetònicas", alliongiada a custa deliberatzioni po ndi fai parti integranti e de fundòriu, cun sa cali is presentadoris de sa motzioni pedint e imbòrdigant a su Sindigu e a sa Giunta a cumintzai luegu dònna atividadi arrechèdia po lompì a s'arricidura de su Pianu de Eliminatzioni de is Barreras Architetònicas po Ceràxius cun s'apretu màssimu, donendi unu sinnali mannu bia a s'allega de sa mobìlidadì de sa genti malisana, e a aparìciai in Ceràxius puru sa Gerronada Internatzionali de sa genti malisana;

Biu s'arresultau de sa votatzioni

DELÌBERAT

De aprovaò sa motzioni chistionada in premissa, alliongiada a custa po ndi fai parti integranti e de fundòriu.

	Comunu de Ceràxius	Nùmeru 69	Dii 26/11/2020
--	---------------------------	----------------------------	---------------------------------

Lìgiu, cunfrimau e firmau

F.AU SU PRESIDENTI
PASCHINA RICCARDO

F.AU SU SEGRETÀRIU GENERALI
SESTA CARLA

TZERTIFICAU DE PUBLICATZIONI

Si decrarat chi custa delibera at a èssiri posta in s'Albu Pretòriu de su Comunu po cuindixi diis sighius de su 02/12/2020 a su 17/12/2020 cunforma e po is efetus de s'art. art. 30 – comma - 1, de sa L. R. n. 38/1994.

F.AU SU SEGRETÀRIU GENERALI
SESTA CARLA

Ceràxius, 02/12/2020

DATUS DE ESECUTIVIDADI

Cunforma a s'art. 134, commas 3 e 4 de su D.Lgs. 267/2000

Benit esecutiva:

☐ Esecutiva deretu

☒ Passadas 10 diis de sa dii de publicatzioni

F.AU SU SEGRETÀRIU GENERALI
SESTA CARLA

Còpia a impreu amministrativu po sa publicatzioni in s'albu Pretòriu